



增田
 貢著
 清史藥要
 六

柳田文庫
 文庫11
 A1670
 6



文庫 11
A 1670
6

柳田泉文庫



清史攬要卷六

大日本 東京 增田 貢著

穆宗皇帝 諱載淳。文宗長子。在位十四年。

壬戌 同治元年正月。提督李世忠破賊。復江浦。

李世忠克天長。攻江浦。劉元成等為內應。世忠揮隊直前。賊驚潰。元成倒戈。殺諸酋。大破之。遂復縣城。次日九洲洲。援賊至。復戰殲之。取其城。浙軍亦解衢州圍。克復常山平陽。浙軍左宗棠將之。賊侵上海。英佛米之水師提督合擊破之。

李世忠
賊內應

清史攬要

卷之六 同治

萬壽堂藏

米人華爾
伯齊文
英人何伯
佛人卜羅
德
會防局
吳煦
募呂宋人
王韜
洋法鍊兵
策

賊侵上海縣。會佛國輪船開礮相助。斃賊無算。賊退據天馬山。參將李恒嵩破其壘。賊退入青浦。又別據高橋。欲斷要隘。米國人華爾約英國水師提督何伯。佛國水師提督卜羅德率礮船列海濱。華爾與米國人白齊文進擊。掃蕩賊巢。各國自天津成和議。集上海貿易。極敦和好。立會防局。至是。竟得協助之力。先是上海守吳煦曾募呂宋人為兵。令米里堅人華爾統之。每戰爭先克復松江府城。吳郡處士王韜獻策曰。招募洋兵。人少餉費。不如以壯勇充數。而請洋官領隊。平日以洋法教演火

常勝軍
米人白齊
文
投賊為謀
主

北略策

運齊文

器務令精練。西官率之以進。則膽壯力奮。似亦可收効於行間。於是遂有洋鎗隊之設。號為常勝軍。華爾戰歿。而白齊文繼之。攻克嘉定青浦。以功大酬薄。頗生舛望。遂劫餉銀往投賊。為之謀主。嘗勸李秀成盡棄江浙兩省之地。斬伐茶桑。焚燬廬舍。然後并合大隊。轉戰直趨北方。據齊豫秦晉上游之勢。以控東南。其地為洋人之力所不至。乃可以逞。幸秀成戀故土。其說不行。白齊文米之無賴子也。始助官兵。繼投賊。屢次被擒。終以無專治洋人之法。致之米領事。領事與之約。毋再入清國。乃放

自日本來

米領事

之東洋。白齊文復由日本。潛至漳州。再助賊。後左宗棠獲之於閩。米之福州領事慶樂。為之力請。謂送國正法。宗棠以其罪大不許。由閩送浙。道經山陰。舟覆而死。

開化捷

雷正綰

巡撫左宗棠破楊輔清于開化。斬藍以道于馬金。楊輔清犯浙江開化。伺衢州。左宗棠率練兵入浙。連破賊巢。斃二千餘人。復大克馬金。斬藍以道。殪五千餘人。遂平開化。尋援衢州。克招賢關。走李侍賢。又破江山石門之賊。總兵雷正綰等破賊廬州。

賈臻

范文英

多隆阿率楚軍逼安徽。廬州賊六千人來戰。多隆阿以馬隊圍之。斬六百人。總兵雷正綰又渡河。焚礮船。連日斃三千人。賊圍穎州。布政使賈臻拒戰破之。賊圍布政使賈臻于穎州。重濠鹿角。以阻城兵進攻之路。用地雷破牆。游擊范文英等。裹創堵禦。會狂風起。烟燄回撲賊陣。時勝保由太和督兵馳援。斃千餘人。臻自城夾擊。奪三十七壘。賊解圍走。皖城軍亦克復店埠要隘。巡撫李鴻章帥諸軍。勦上海賊。

曾國荃

李鴻章接
上海

都興阿

曾貞幹

先是曾國藩議以布政使曾國荃先攻和州李鴻章領諸軍來勝東下會提督馮子材軍由鎮江進勦而上海賊氛日逼勢甚危矣國藩令鴻章率程學啟等軍十營乘輪船東下抵上海城南淮揚鎮將軍都興阿擊賊揚州破之

金陵賊合蘇州賊十餘萬人渡江侵揚州將軍都興阿連戰破之提督李世忠亦破之于駐馬村同知曾貞幹破賊復繁昌城偽匡王賴文鴻入繁昌同知曾貞幹迎戰縱火大破之斬其首吳大甯夜薄城棓外陷之尋克魯港

曾國荃取
西梁山

彭玉麟取
東梁山

復南陵縣貞幹國藩之季弟善拊循戰士江蘇布政使曾國荃破賊和州取梁山關曾國荃帥十二營過河破賊銅牌復巢縣克含山城又殲和州賊江流為赤賊之據金陵也以全力扼東西梁山國荃以此關金陵鎖鑰統全勝之師逼梁山而陣賊向江州走官兵水陸擊破之遂取西梁山自是金陵重關已得其半賊勢大沮鮑超亦復青陽石埭諸縣

兵部侍郎彭玉麟等破賊太平取金柱關先是揚境已報肅清賊據金陵者以梁山為鎖鑰

以蕪湖為屏障。尤以金柱關為關鍵。兵部右侍郎彭玉麟與曾國荃定計。水陸并攻。復太平府。尋攻金柱。賊自烈燄中衝突。而官軍短兵擊刺。積骸滿渠。即時奪關。獲大礮三百七十。遂下東梁山。進次蕪湖。

廬州捷

大學士勝保大克壽州。禽陳玉成。偽英王陳玉成與偽忠王李秀成皆賊中驍健。洪秀全倚為左右手。秀成擾蘇常。玉成據廬州。將軍多隆阿合圍破之。賊已窮。殊死出戰。又大敗。遂復府城。玉成走于壽州。勝保豫命副將苗景開設計。

壽州捷

誅二陳

開城誘之。玉成率三千人入城。景開撤吊橋。擊破之。禽玉成陳士才等。大酋二十人。殲餘賊四千人。勝保奉旨斬玉成等於軍前。又窮追殘賊。殺一萬八千人。悍賊至此殆盡。

賊入武關

陳得才犯陝西。參將阿揚阿擊破之。

阿揚阿

張國均

陳得才等結捻匪。犯陝西武關。直逼省城。游擊孟伯林與參將阿揚阿會勦。揚阿被重創。奮戰殺數百人。賊夜走藍田。別隊圍雒南。又為知縣張國均所殺。得才尋攻新野。入唐縣。知縣高天寵迎擊。斬三百人。

高天寵

英佛米兵

參將李恆嵩率米人華爾等大破賊復青浦縣。

李恆嵩率松滬軍與副將銜米人華爾之常勝軍。

攻克嘉定進圖青浦華爾攻東門英佛將士攻南

西二門青浦知縣廖秩璋攻北門賊負固抵拒西

兵發炸彈塌牆由西門登城華爾督勇繼進諸軍

一擁而斬悍賊千餘人禽三千餘人遂復清浦英

國提督何伯佛國提督卜羅德奉詔嘉獎華爾授

副將。

提督李世忠大破賊江北平定。

揚防肅清後賊尚聚江邊李世忠督馬隊奮勇馳

廖秩璋

青浦捷

賞洋將

平江北

李世忠

突短兵相接賊勢不支脅從之徒棄械乞命者三

千餘人賊敗南走追殺二千餘人禽九百人江北

肅清。陳得才侵渭南知縣曹士鶴死之。

陳得才等五酋敗於陝西省城既而侵渭南知縣

曹士鶴手刃數賊與妻萬氏殉難縣丞陳茂亦戰

歿。

佛國提督卜羅德與賊戰南橋死之。

李世忠令參將程學啟等以四千人進南匯此為

北路英佛兵進金山此為南路會攻南橋鎮賊恃

曹士鶴妻
萬氏
陳茂

南橋捷

佛將戰死

大倉敗

李慶琛周士濂殉難

三道土城。槍礮兩射。佛國提督卜羅德奮勇冒烟衝入。賊眾驚潰。遂取南橋。又進攻柘林。賊方負固。英兵及常勝軍營金山。賊來援。擊走之。復取柘林。次日追賊至南匯。卜羅德於南橋督戰。中槍陣亡。賜祭。並賞庫貂彩緞。給其家。

知府李慶琛與賊戰太倉死之。時西兵方議趨金山。李慶琛以五千人攻太倉。蘇賊李秀成大援至。全軍皆陷。慶琛及同知周士濂死之。青浦寶山同時大震。李世忠共英佛二國軍突圍走上海。賊遂踰青浦。徑逼松江。

漢中守

哈連升

度端禮

賊攻漢中。提督哈連升拒戰破之。

賊兵由華陰縣至潼關。攻漢中鎮。提督哈連升固守。礮殺五百人。賊環攻三晝夜不克。遂東移。連升追殺千餘人。副將張維義亦破山陽賊。復縣城。

總兵度端禮復白州。斬李洪藻。度端禮等攻仙居賊。殺數千人。梟賊首延天義等。又復台州。禽斬李洪藻等。黃巖太平等六縣平定。兵氣大振。

道員張景渠。英國提督何伯破賊於寧波鎮海。知縣吳兆祥復青田城。

張景渠

秦如虎
吳兆祥

劉銘傳
鄧賢芳

湖省陷

張景渠借助何伯。共攻寧波鎮海。克之。時大隊別賊據青田。總兵秦如虎環攻三晝夜。吳兆祥架梯奮登。手刃執旗二酋。賊失守而走。遂復縣城。吳建瀛以南匯降。吉慶元來犯。知縣鄧賢芳都司劉銘傳擊破之。

吳建瀛劉二林。屢為李秀成養子所凌。率眾雉髮乞降。劉銘傳往受之。吉慶元聞之。以萬餘人來犯。鄧賢芳與建瀛奮擊却之。慶元復合川沙賊來寇。劉銘傳又破之。遂復川沙城。賊陷湖州省城。執福建布政使趙景賢以歸。

發父墓

用地道

死士三千

衆志成城

臣不如出忠

賊酋李世賢譚紹洸犯湖城。據大錢口。內外隔絕。糧道不通。賊恨前敗。掘趙景賢父墓。先是賊陷城。率用地道。湖城環大河。掘隧見水。技無所施。雲梯衝車亦無所用。惟築壘樹柵。漸進逼為坐困計。景賢選死士三千出擊。奪十餘壘。獲糧入城。自是賊不復近。而城內糧食會且盡。時帝甚惜景賢才。寄諭曾國藩密令輕裝赴任。移其捍衛桑梓之力。以固閩疆。景賢感泣誓死益堅。密寄書上海。報其叔炳麟。有衆志成城守死善道之語。且云使我家出一良臣。不如出一忠臣。其志蓋素定矣。自三月以

食草根

死守

僕陸二

景賢罵賊

後軍民羅雀掘鼠食草根樹皮皆盡景賢言笑如常時縣丞欲通賊事露立禽斬之五月城陷景賢大呼曰死無憾死我十數萬軍民為憾耳賊渠譚紹洸擁至營景賢冠帶見賊喝曰速殺我毋殺軍民紹洸曰亦不殺汝景賢拔刀自刎為所奪執之去僕陸二自刎死賊執景賢至蘇州幽獄羅禁甚嚴景賢求死不得賊陵辱脅降不屈偽英王李世賢為下士狀百計誘說不為動遂有遣歸之意紹洸不可世賢赴江北誠勿殺景賢後紹洸稍稍善視之景賢見輒詈罵益不屈

曾國荃取二關

雨花臺

甯國捷
宋國永

江蘇布政使曾國荃取秣陵關破賊金陵曾國荃乘勝進襲秣陵關賊酋汪伍等舉眾降秣陵環水巍峙天然雄鎮也乘賊備未嚴不血刃而下之次日取大勝關進逼金陵駐軍于雨花臺會蘇州賊來援城中出五萬人夾擊黃衣騎馬賊指揮衝陣猛鷲無比遂中礮而殪諸軍合擊斬二千入國荃國藩第三弟也屢立奇功威望大著提督鮑超攻甯國破楊輔清楊輔清十餘萬據甯國鮑超攻之薄寒亭賊出猛戰超直突中堅縱橫盪決總兵宗國永橫衝陣為

數段。山後伏兵齊起。賊大敗。斬六千人。

王其昌

賊陷閿鄉。知縣王其昌死之。知州王詔赴援復城。

王詔

賊由陝西潼關小路犯河南閿鄉。王其昌巷戰死之。陝州知州王詔督兵馳援。破賊立復城。賊竄澠

池。宜陽汝州者皆為地方將領所禽斬。

賊圍松江。巡撫李鴻章。米國提督華爾戰破之。陳炳

松江戰

文犯滬城。總兵程學啟。參將張遇春擊走之。

賊圍松江府。巡撫李鴻章自赴新橋援之。米國人

華爾礮擊奪賊營。以通上海。賊益攻城。兩晝夜不

絕。會常勝軍三百人自寧波歸。破賊於寶福浜。華

滬城戰

米爾又夜率常勝軍碎破大馬山。入青浦城。盡焚輜

重。亦破泗涇賊。陳炳文復率六萬人犯滬城。勢極

兇猛。埋濠拔樁。洋槍大礮殊死戰。程學啟登陴礮

石並發。賊尸與濠平。隨斃隨登。學啟手燃巨礮。乘

勢衝突。賊卻而復進。自辰至申。凡八九次。酣戰尚

張遇春

不已。世忠回兵直進援。遇賊九里橋。參將張遇春

馬傷落地。復奮斬賊奪馬。騎都司張志邦截一酋。

擲首賊陣。賊萬餘人驚潰。追至營邊。而賊數萬復

合。各營兵夾擊大破之。殺三千人。陳炳文郤永寬

傷走。官軍乘勝破泗涇。松江圍解。滬城解嚴。

唐炯

南陽守

盧得勝

金國琛

賊入貴州。巡撫韓進春。知府唐炯。擊破之。

石達開犯四川。其別隊入貴州。正安等處。巡撫韓進春與唐炯等擊卻之。

陳德才圍南陽。巡撫鄭元善拒戰破之。

陳德才入河南。合汝州賊攻南陽。巡撫鄭元善力戰十餘日。賊又糾合潁毫土賊陳大禧衆十餘萬。白河兩岸築壘。綿亙百餘里。勢甚猖獗。副將盧得勝。提督金國琛等。詣軍赴援。內外夾擊。殺二十餘人。遂解南陽圍。

米國提督華爾復慈溪。力戰死之。

華爾戰功

華爾中丸

何伯破賊

先是上海軍克奉賢金山青浦餘姚等處。而浙江賊伺寧波。會廣舫軍與佛國兵構釁。引賊攻陷慈溪縣。寧波鎮海餘姚皆警。米人華爾率軍越境攻之。華爾自上年在上海呈請隸清國版圖。屢以戰功。由四品頂翎。洊升副將。聞寧波告警。率常勝軍直抵慈溪。揮兵先登。城立復。會賊砲洞其胸而殞。得旨於甯波松江兩府建專祠。仍從優議卹。

英國提督何伯破譚紹洸復嘉定。爲慕王譚紹洸。由湖州援金陵。逼青浦。官軍戰破之。賊又圍北新涇。甚急。時上海軍只三千人。李世

英人周伯

炸礮

重固大捷
黃翌升
程學啓

忠飛檄徵援。程學啓率軍至。為悍賊三萬所圍。學啓苦戰破賊。李鴻章亦至。夾擊破之。賊遁嘉定。遂取其城。屢犯上海。英人何伯將受代歸。乃請世忠會攻嘉定。新任提督英人周伯又率英佛兵助戰。鴻章使白齊文率常勝軍繼進。何伯令西兵燃炸礮。坍塌城牆數十丈。分布雲梯。一擁而登。遂復嘉定。巡撫李鴻章等大破譚紹洸。

嘉定既克。譚紹洸復率十餘萬人來衝南湖。立五大營。設浮橋。分犯重固鎮。提督黃翌升總兵程學啓等先至破之。李鴻章亦來督戰益急。賊遂敗。追

穆正春

舒保

駟鐵營

樊城克

至三江口。毀浮橋。禽斬數萬人。平二百餘壘。總兵穆正春破陳得才。得應城。陳得才勢復振。陷隨州。應城。攻德安府。總兵穆正春等由雲夢馳赴應城。破賊。復縣城。統領舒保亦破之于孝感。正春率駟鐵營騎兵復破之於京山。安陸。殺二千餘人。賊竄襄陽。樊城。將軍多隆阿與陳得才戰樊城。破之。多隆阿勦陳得才樊城。殺三千餘人。進至李家橋。豐樂賊援大至。多隆阿戒勿輕動。以避其銳。夜令軍右袒為記。乘微月襲營。賊恃眾露睡。正酣。一聲

號起。槍械並發。斬馘無算。追至隨州。待郎彭玉麟與陳坤書戰花山大破之。

花山捷

周万倬

陳坤書五萬人犯金柱關。彭玉麟五戰皆勝。水陸大舉。遇賊於花山。總兵周万倬驍勇善戰。所向辟易。諸軍合擊。殺萬餘人。鎮江軍亦克湯岡。

陳得才入鄖陽。總兵訥欽等擊破之。又陷房縣。知縣慶明戰復之。

訥欽

慶明

陳得才梁成富由新野鄖州入鄖陽。總兵訥欽知府愛浚美戰破之。賊走取房縣。知縣慶明激勸團兵一鼓復之。賊全隊遂走陝西。

金陵大戰
賊六十萬

布政使曾國荃與李秀成大戰金陵克之。

曾國荃傷丸

李秀成親率偽王十三人號六十萬來援金陵。旗幟如林。與城賊同時並進。曾國荃俟賊逼。礮擊之。賊乃伏地。礮聲絕。而殺聲又起。日夜不息。次日復來攻。官兵擊破之。夜築壘土洲守之。賊圍迫西路者。已六晝夜。官兵料其疲。破四壘。賊又攻東路。礮丸如飛蝗。潛通地道。百計環攻。將士負墻露立。礮火毬殺賊無算。賊又負板蛇行而進。烽燧蔽天。填濠欲登。城中用矛擊刺。賊蹈屍奮進。抵死不退。國荃督軍策應。飛丸傷頰。血流交頤。仍裹創。上濠力。

火箭

石飛天半

決江絕糧

隧迎敵

禦而賊來愈衆。箱篋實土埋濠。暗穿地道。城中以
 火箭攢射。繼出銳卒擊之。賊鋒少挫。次日又出擊。
 燬十二壘。而東路之賊環攻益急。地道轟發。石飛
 天半。賊擁入塌口者千餘人。城兵俟烟開上落。分
 路衝出。殊死決戰。悉斬入城之賊。濠外賊復舉旗
 督戰。諸營夾擊。禽斬近萬人。然賊猶不屈。益開地
 道。決長江。絕糧道。國荃與諸將議。制敵之策。莫若
 審賊所向。隧而迎之。賊技益形窮蹙。國荃乘勢復
 拔十數壘。夜分路齊出。破東路四壘。西南諸壘。望
 風驚潰。賊勢始衰。中外官軍亦克復上虞縣及新

李世忠烈

嚴州常熟

蕭慶衍

昌。上海之軍亦進取蘇州。提督李世忠與李秀成戰九洲。破之。

李秀成圍九洲。負土填濠。勢甚猛。提督李世忠
 突陣馳逐。礮火中馬傷而蹶。復步戰。斬百餘級。賊
 退向和州。復遮擊。殺二千。浙軍亦以此月克嚴
 州府。復破馬頭鎮。殺八千人。上海軍亦復常熟昭
 文。上海軍李鴻章將之。

提督蕭慶衍擊賊銅城。破之。
 賊別隊由九洲洲渡江。陷巢縣。含山和州三城。遂
 據銅城。曾國藩使提督蕭慶衍等連戰破之。

清史稿
 卷之六
 萬壽堂

石達開侵四川。提督胡中和等合擊破之。

破石賊 胡中和 蕭慶高 何勝必 劉岳 郭集益

石達開久擾四川。擁眾數萬。據橫江。蕭慶高、何勝必分道進攻。拋火彈。燒二十餘寨。提督胡中和由山後合擊。殪二萬餘人。臬司劉嶽攻雙龍場。大破之。殪一萬五千。陣斬偽都督等四十餘人。郭集益等三千人降。達開遁燕子灘。復擊其半濟。斃千餘人。餘賊入雲南境。未幾復入蜀。總兵朱桂秋敗之。賊亦竄盪江。

朱桂秋

丁翁

李世賢陷皖城。候選訓道丁翁死之。官軍逼金陵。洪秀全令李世賢取皖城。意圖據上

義團

游以為援。應世賢率十數萬圍攻數旬。援絕糧盡。死傷如積。賊遂破城而入。翁奮身獨戰。力竭死之。翁皖人。素讀書。識大義。慷慨不避難。以其所居當賊衝。結義團禦賊。自咸豐六年。甯國兩次失陷。皖城屹然孤立。賊相戒不敢犯。至此始陷。賊銜恨刺骨。恣意屠殺。一城墟之內。死者不下八九萬人。癸亥二年。提督鮑超援涇縣。又與楊輔清戰高祖山。大破之。

元且戰 易開俊

正月元日。賊眾七萬圍涇縣。架梯蒙絮。悉銳攻城。守將易開俊以木石下擊。賊始退。時提督鮑超在

涇圍解

鮑超來

高祖山之伏

宋國永

梁美材

邱振家

高祖山。聞警。疾馳入城。設伏大克。悉焚其壘。賊解圍而走。超自涇歸。適西河賊來。將圖一逞。望其旂幟。愕曰。鮑超來矣。一閱而散。先是。楊輔清據西河。衆十萬餘人。常伺高祖山營。超令總兵宋國永守營。親伏太子廟。以伺其變。已而賊三萬來圍。超令總兵梁美材潛伏斷賊後。鼓角一聲。三軍突出。宋國永乘勢夾擊。賊亂奪路。美材伏發斷路。賊大敗。悉復西河麒麟山等要隘。超於諸將。稱勇略兼優。監生邱振家。知縣方傳理。破陳得才。復興安府。陳得才入陝西。陷興安。圍總監生邱振家。招集兵

方傳理

浙東底定

葉炳忠

擒賊平

僧格林沁

勇。與知縣方傳理。夜薄城。戰破之。賊棄城而走。提督葉炳忠等。復興紹興桐廬。浙東平。先是。浙軍克湯溪金華等處。續取永康武義。敗賊紛鼠。諸軍縱擊之。殺獲甚多。葉炳忠復興紹興府。賊萬餘人。與桐廬合。又擊破之。復興桐廬。浙東肅清。郡王僧格林沁。禽河南賊張樂形。誅之。河南擒匪魁張樂形。受洪秀全偽封。擾楚豫江皖。郡王僧格林沁勦之。大小數百戰。數破賊。樂形走雒河。其黨禽樂形父子降。僧王奉旨戮之。守備李耀光等擊丹陽賊。破之。

湛恩榮

李耀光

張文德

丹陽賊取牧馬口據之。官軍攻之不動。游擊湛恩榮飛騎衝突。手斬數賊。守備李耀光從砲丸中躍馬先登。斬執旗酋。直搗中堅。官軍無不一當百。遂焚其營。東湖伏賊聞聲齊起。總兵張文德擊破賊。前後死者三千餘人。次日張文德乘大霧疾攻。大破之。追至丹陽。

後常熟

譚永洸圍常熟。巡撫李鴻章遣援軍破之。

賊攻常熟。昭文甚急。譚永洸又益以礮船二百艘。穴地攻城。李鴻章遣常勝軍救之。設西洋礮於福山。放炸彈多。殲賊。時圍常昭之賊回援。降將駱國

苦守七十

日

萬化林

忠出城擊破之。圍遂解。而常昭孤懸。凡血戰苦守七十餘日。殺賊無算。已而江北之浦口江浦兩城復陷。提督李世忠自請革職。

李侍賢攻金柱關。提督鮑超擊破之。

偽侍王李侍賢率數萬人屢攻金柱關。官軍數破之。灣沚賊又犯清水。會鮑超軍至。乘霧猛攻。遂取灣沚。賊退據黃池。萬化林以水師攻破之。賊遁丹陽。

統領李鶴章復太倉。總兵程學啟攻崑山。大破譚。以洸太倉偽會王蔡元濫乞降。統領李鶴章與總兵程

清史稿卷之六十八 高書堂藏

李鶴章

崑山大捷

趙景賢殉節

學啓率師往。賊中變。以千人出犯。學啓奮擊卻之。再戰大破之。李鶴章亦戰克。遂復州城。學啓又與常勝軍攻崑山。破譚以洸。殺萬餘人。賊見歸路已斷。出四萬人奔突。水師礮擊破之。遂復縣城。禽悍賊七千人。礮斃溺死約三萬人。鶴章鴻章弟也。福建布政使趙景賢死節于賊中。

賊自太倉敗歸。揚言景賢將襲蘇州。譚紹洸懼。乃招飲酒。半詰曰。汝通妖兵耶。曰。我本官兵。何謂通賊。曰。汝欲獻蘇州耶。曰。蘇州本大清地。何謂獻耶。又曰。汝死期至矣。景賢仰天大笑曰。求之一年而

死何幸

賊葬景賢

大小百餘戰

殺人下酒

不得。今何幸也。連舉巨觥。罵益厲。賊舉洋槍對擊其胸而殞。賊壯其節。具棺瘞之。景賢前刑部侍郎趙炳言第三子。身材不踰中人。口可容拳。大小百餘戰。皆親冒矢石。善撫循士卒。人樂為用。天性好殺。嘗曰。吾得殺人下酒。乃快事耳。所俘皆浮白。斬之。後見曾國藩解散歌。始悟。脅從皆獲免。詔建專祠。賜謚忠節。

李秀成攻石澗埠。布政使曾國荃等破之。

李秀成率數萬人攻石澗埠。甚急。曾國荃彭玉麟等來援。合擊破之。秀成走犯廬江。為鮑超所破。又

清史稿

卷之六十八

十八

高書堂藏

蔣凝學

突舒城。蔣凝學設伏。大破之。

總兵王文端。戰七里橋。斬李遠繼。

王文端

賊圖入江西。王文端迎戰于七里橋。斃八千人。陣

沈葆楨

斬偽佑王李遠繼。江西巡撫沈葆楨。閩浙總督左

左宗棠

宗棠之援師進勦。連破之。克復安徽諸城。賊走嶺

外。已而偽堵王黃文金。率十餘萬眾。由祈門進。參

韓進春

將韓進春力戰。斬偽李王胡鼎文。殺千餘人。

兩江總督曾國藩破賊。復巢縣。

校浮橋

曾國藩水陸兩進。攻巢縣。焚浮橋。破賊。夜復其城。

鮑超亦星夜襲和州。賊大怖乞降。上海軍亦復揚

取和州

舍汛城。

閩浙總督左宗棠。攻富陽。破陳炳文。

圖杭州

浙東肅清後。左宗棠統軍攻富陽。進圖杭州。偽聽

王陳炳文由餘杭赴臨安。以襲後路。為宗棠所破。

再犯新城而敗。悉棄攻具去。

布政使曾國荃。攻雨花臺。拔九壘。

曾國荃攻金陵之雨花臺石城。束草埋濠。架梯欲

登。賊驚礮擊。眾少卻。總兵李成典。率旗直前。諸軍

擲火箭焚敵樓。肉薄齊登。拔聚寶門外之九壘。賊

走。溺水者無算。賊勢從此衰滅矣。

勞崇光

沈宏富

唐友耕

雲貴總督勞崇光與石達開戰。綏陽破之。勞崇光赴雲貴之任。甫抵綏陽。遇石達開萬人。俄至。崇光猝召鄉團。轉戰斬數百人。總兵沈宏富亦至。會勦連捷。殺四千人。

石達開犯蜀。總兵唐友耕破之。總兵楊應剛追禽之。石達開與韋昌輝分爭後。率死黨犯浙湖兩廣。滇黔。意圖據蜀。由雲南渡金江。官軍扼隘。四面力勦。斃數千人。絕其糧道。賊自知陷絕地。親擁大眾。水陸來戰。總兵唐友耕等火攻。殺數千人。逸賊墜岩落水。浮尸蔽流而下者。以萬計。達開以八千人走。

楊應剛

誅石賊

偽五王死

假仁義

九狀捷

火攻

老鴉斑。進退無路。總兵楊應剛禽之。凌遲處死。餘黨三千。圍殺無遺。自洪秀全倡亂。偽王五人。馮雲山。蕭朝貴。斃湖南。楊秀清。韋昌輝。自相殘殺。惟石達開。素蓄大志。假仁義。以籠絡其下。賊爭附之。獨樹一幟。幾不可制。至是為蜀軍禽戮。天下快之。布政使曾國荃。火攻破賊。取九狀洲。賊據九狀洲。曾國荃乘夜到新江。命諸將。枯荻灌油。焚數百艘。乘勢立平八壘。尋以水師大舉。肉薄齊登。前者殪。後者進。殲賊無遺。遂奪九狀洲城。克浦口。江浦二縣。長江一帶肅清。

統領李鶴章與賊五酋戰顧山大破之

章護普潮侍偽五王率九萬人援江陰營無錫連

亘數十里李秀成復合之分路內犯統領李鶴章

分諸將防之自陣顧山督戰破之於嚴家橋及長

涇其夜鶴章傳令乘月劫賊水陸鼓噪而進取其

南北濶之八十餘壘戰至天明江陰無錫援賊至

又擊破之禽偽王侯百餘人悍賊五千餘人斬溺

二萬餘人焚船七十艘奪馬五百餘匹顧山以西

肅清餘賊走據饒州者為劉典等所破

巡撫李鴻章破賊花涇收復吳江震澤

顧山捷

乘月破賊

花涇克

劉士奇

江忠義
李榕

李鴻章將圍蘇州督諸將取花涇港連戰斃數千

蘇州賊二萬人突至圍花涇副將劉士奇奮戰破

之復克同里鎮吳江震澤亦隨復而嘉興援賊數

萬掩至程學啟奮擊破之學啟又盡下沿湖賊與

太湖師破賊于蘇嘉津殪二千餘人進圍蘇州再

戰殪千餘人

提督江忠義克文橋殪黃文金

黃文金據文橋勢最盛鹽運使李榕提督江忠義

會勦文金悉眾來攻鋒甚銳忠義詢降卒知為文

金聚鎗一發應聲而仆賊遂潰奔按察使劉典及

夏基鴻

劉秉璋
潘鼎新
楊鼎勳

英人馬格
里

屈蟠等援至。克青山橋。截二千餘人。忠義望賊。壘
火踈。度將遁。俄攻拔文橋。日夜追勦。積尸塞道。接
賊數萬。亦出官軍之後。都司夏基鴻血戰破之。江
西肅清。上海軍亦連破。走江陰之賊。副將楊鼎勳等
與賊戰。楓涇西塘破之。

編修劉秉璋。道員潘鼎新等。攻楓涇鎮。副將楊鼎
勳。以火箭破賊。賊奪門走。追殺四千人。遂復楓涇。
而賊來援者四萬人。秉璋鼎勳等分路拒戰。斷來
往之道。英國人馬格里。以開花礮。多斃悍賊。鼎勳
等四面力攻。克西塘鎮。諸將前後所殺五千人。獲

劉銘傳

樹柵

江陰捷

戈登麗發

宗廖等四酋。誅之。

統領李鶴章。復江陰。殪李愷順。

賊久據江陰。總兵劉銘傳。屢獲奇捷。賊勢漸蹙。逆

首陳坤書等。十餘萬人來援。連互數十里。李鶴章

以洋槍隊敗之。又督諸將。水陸進攻。連戰皆勝。援

賊悉殲。遂攻城下之。偽廣王李愷順。墮水死。

李秀成。援蘇州。總兵程學啟。擊卻之。

總兵程學啟。進圖蘇州。攻永安橋。時官軍雖屢捷

賊壘堅固。猝不得前。李秀成自金陵返蘇州。圖解

圍。水陸官軍。三路襲之。洋將戈登麗發。乘輪船。繼

清史稿卷之六 南書堂

之燬十餘壘。遂取寶帶橋。

藩司蔣益澧游擊徐文秀破賊復富陽。

賊據富陽。左宗棠令藩司蔣益澧督軍圍攻。連放

炸礮。賊大震。乃出戰而敗。走向新橋。游擊徐文秀

繞出其前。破之。遂復富陽。

總兵熊登武襲賊。拔江東壘。

自賊據金陵。楊秀清布置最密。城外九泖洲。七里

洲。中關下關。雨花臺。紫金山。秣陵關等處。高壘如

城。大濠如江。為堅不可拔之基。曾國荃攻取數處。

聲威已震。乃遣總兵熊登武。夜襲取上方橋壘。次

徐文秀

高壘大濠

熊登武

夜又攻江東壘。一鼓下之。

黃文金圍青陽。欽差大臣曾國藩遣援軍。大破之。

黃文金等七悍酋。擁十數萬眾。略池州。圍青陽城。

無日不戰。守將朱品隆病勢漸不支。會曾國藩所

遣之援軍四合。與城兵夾擊破賊。悉平。百三十餘

壘。殺萬餘人。青陽困守三十八日。米盡。食馬。馬盡

食麻根。而援軍適至。圍始解。

統領李鶴章破李侍賢李秀成。禽黃隆云。

巡撫李鴻章欲取無錫。令諸將分路進攻。均有禽

斬。李侍賢合隊來犯。勢甚熾。諸將夾擊殺千餘人。

青陽圍

朱品隆病

食馬及麻根

無錫大橋二建

清史稿卷之六 南書堂

清史稿卷之六 南書堂

李秀成又率十餘萬直犯大橋角營李鶴章督軍
飛援連戰皆克禽偽祥王黃隆芸等大橋之圍立
解。

漢中失守

賊陷漢中府破藩司毛震壽
賊由興安陷紫陽犯漢陰石泉遂攻漢中府及城
固縣勢甚熾藩司毛震壽截擊力屈遂失守
總兵程學啟破五龍橋禽陳湯勝

五龍捷

李秀成來攻賢帶橋程學啟戈登擊卻之又率水
陸七營破五龍橋禽偽貴王陳得勝斃三千人獲
數百船學啟最稱驍猛與郭松林戰功尤多

三城降

古隆賢江老三盧旺有以石埭太平旗德三城降
青陽之捷古隆賢懼遣人於朱品隆請獻城貨死
品隆親赴石埭受降江老三亦以太平降盧旺有
以旌德降三城悉復

蠡口黃埭
大橋三捷
郭松林

總兵程學啟郭松林等破李秀成斬唐政才
李秀成率兵九萬船千又據后宅李鴻章圖賊勢
全集西路其志在保無錫以援蘇州檄李鶴章等
立營壘拒之乘間颯發擊賊而令程學啟戈登破
蠡口斃千餘人再破黃埭禽二千人秀成見東路
備嚴犯大橋不利悉大隊拒鶴章總兵郭松林大

清史稿卷之六 廿四

呼陷陣。賊大潰。禽偽軍師李成香。斬偽航王唐政才。殲七千人。尋又攻許關虎邱等處。克之。

楊友清黎立新。張勝祿楊英清。各獻城降。

四賊降

甯國太平以東。久為賊藪。彭玉麟遣總兵俞俊明

俞俊明

成發翔等。破水陽新河莊。高淳之楊友清。東壩之

成發翔

黎立新。建平之張勝祿。皆獻城降。楊輔清從亂軍

中逸。而溧水之楊英清。亦請獻軍械回籍。上海軍

又克許關虎丘。

破藍賊

總兵藍斯明。破藍二順。復山陽。

藍二順與兄大順。由雲南昭通府倡亂。犯四川。入

藍斯明

李雲麟

李鴻章大

克

炸礮

陳東友

陝西通粵賊。西安將軍多隆阿。使總兵藍斯明。會

漢中李雲麟軍破賊。復山陽縣。

巡撫李鴻章。破李秀成。禽汪安均。克復蘇城。

賊據蘇城四年。悉精銳以守之。李鴻章由上海至。

率程學啟。戈登。以炸礮破樓門。李秀成譚紹洸。以

萬人突出。復邵。常勝軍肉薄登。陳東友復由黃天

蕩會攻。拔二十餘壘。黃翌升楊鼎勳等破齊盤二

門。賊多為內應。秀成宵逃。賊黨殺紹洸。開門迎降

者千餘人。禽偽康王汪安均等七人。誅之。解散數

千人。遂復省城。詔加李鴻章太子少保。其他給賞

無錫楚

統領李鶴章。拔無錫。禽黃子澄。

有差。

李鶴章攻無錫。搏戰十晝夜。援賊始卻。遂克高橋。新安。偽潮王黃子澄。七萬人死守。鶴章環攻不息。周盛波郭松林。破惠山。斬二千人。連戰皆克。諸軍奮勇齊登。賊下城巷戰。子澄率六千人。脫北門。周盛波擊斬二千人。賊轉北門而遁。周壽昌策馬進。手禽子澄。斬溺二萬餘人。救難民三萬餘人。遂復無錫。鶴章又攻常州。破句容。援賊六萬。鎮江軍亦陣斬逆首岡天義。賊勢益蹙。周盛波合肥人。兄弟

周壽昌

周盛華
周盛波
周盛傳

李氏

三人以勇力著。長為盛華。次即盛波。三為盛傳。均諳於擊刺行陣之法。當逆敵披猖。盛華結義團。屢破悍賊。後又與賊戰。中矛死。妻李氏亦罵賊被害。盛波憤兄之死。設計禽賊首馬千祿。斬之。繼隨官軍。攻克沿河賊巢。盛波以功後為甘肅涼州鎮總兵。盛傳亦積功。至提督。

張涇捷
李朝斌

編修劉秉璋。統兵程學啟等。攻乍浦嘉善賊。降之。劉秉璋潘鼎新。克張涇。匪平潮乍浦賊。皆乞降。海鹽澈浦孟河皆下。程學啟李朝斌。水師破平望。禽斬五千人。燬船五百餘隻。漸迫浙江嘉善。賊懼乞

餘杭捷

洋將德克碑

賊用洋船

降。總督左宗棠克餘杭。殄鄧光明高連升。杭州賊屢來犯。左宗棠馳抵富陽。進勦餘杭賊。斃數百人。城賊殊死抗拒。蔣益澧等軍三面蹙之。力戰。斃殺鄧光明劉連升。洋將德克碑拔鳳山九壘。又殺二千餘人。總兵劉銘傳。援奔牛鎮。破李秀成。賊用洋人飛爾復來輪船。圍奔牛鎮。炸礮轟擊。勢甚急。劉銘傳郭松林。馳援接戰。李秀成等數萬復來。李鶴章遣將三路會勦。銘傳四面合擊。焚其輪

復漢中

劉蓉 蕭慶高 曾克勝

甲子三年。陝西提督何勝必。蕭慶高破陳得才。復漢中。陳得才據漢中府。當金陵圍急。洪秀全令回援。陝西巡撫劉蓉偵知。令提督何勝必。蕭慶高督兵急攻。破法慈院賊巢。曾克勝等斬馘二千餘人。諸軍直薄漢中。斬千餘人。復府城。追逸賊。行斃數千人。乘勝抵上元觀。勝必設伏誘賊。殺千餘人。餘賊向城固。勝必渡河窮追。直抵城燒營。慶高梯城入。拔之。復進攻洋縣。賊尸山積。遂復城。李侍賢侵徽州。總兵唐義訓等擊破之。

唐義訓

玉開琳

李侍賢陷績溪縣。直擣徽州。總兵唐義訓率師擊卻之。左宗棠自屯溪。王開琳自臨溪。馳至。會義訓攻城。賊開門遁去。遂復績溪。

張景渠

英將法樂

德

達耳第福

德克就達

復紹興

道員張景渠攻紹興。英國副總兵達爾第福死之。紹興被陷之後。道員張景渠統兵與英國總兵法樂德及副將達耳第福之軍進攻紹興。達爾第福銳進陣亡。景渠戰破賊。李鴻章以洋將德克就達會景渠四面急攻城。賊楊應柯內應開門降。遂復城。又攻諸暨。蕭山二城下之。

總兵郭松林等破黃精忠。復宜興。荆溪。

戈登
美叙羅殿

吳勝清

賊據宜興。荆溪。李鴻章令郭松林。洋將戈登。美叙羅殿攻城。賊出抗拒。松林傷丸。裹創再戰。破賊于上湖橋。偽代王黃精忠死來援。吳勝清等四面圍攻。賊遂走。焚船千餘隻。復益攻城。賊開門而逃。進殺無算。遂復二城。

嘉興戰

何安泰

總兵程學啟攻嘉興。禽劉得福。總兵何安泰中丸死。程學啟五路攻嘉興。禽偽天將劉得福等。斃悍賊千餘人。逼城猛攻。賊殊死抵拒。總兵何安泰中丸歿。湖州援賊。又犯盛澤。學啟遣兵擊破之。布政使曾國荃破李秀成。取天保城。

百里城

天保城

火能

棗陽圍

金陵一城延亙百餘里。自曾國荃駐師兩花臺以來。奪附城要隘。東西南三面。悉為官軍有。惟東北鍾山未克。故不能制賊之死命。國荃扼水陸之接濟。親督諸軍。至洪山北固神策太平等門外。察形勢。李秀成殊死來犯。而敗走。登鍾山之天保城。諸將攀巖放火。遂取其城。自是賊內外隔絕。賊北之圍始合。

陳得才圍總兵趙克彰。提督成大吉于棗陽。總兵楊朝林赴援破之。

陳得才欲援金陵。結皖賊王庭幹。豫州賊陳大禧。

趙克彰
成大吉

楊朝林

程學啟傷
死

洋人礮

劉士奇

合其眾十餘萬。入棗陽。總兵趙克彰。提督成大吉。前後會勦被圍。劈鞍以炊。殺馬以食。而軍氣不衰。會總兵楊朝林來援。與克彰等夾擊。斃四千人。圍始解。

總兵程學啟取嘉興。負傷卒于軍。

程學啟進逼嘉興。賊城守甚固。官軍多傷亡。學啟環攻不息。督洋人用巨礮轟塌城垣。親犯矢石。登城傷鎗。部將劉士奇等力戰。城遂陷。學啟瘡重遂沒。學啟自至上海。所向有功。詔謚忠烈。

陳坤書犯江陰常熟。總兵郭松林回援破之。

常熟圍解

郭松林復溧陽。聲威大震。陳坤書衆十餘萬。犯江陰常熟。李鴻章令松林赴援。與諸軍夾擊破之。常熟圍遂解。江西軍亦克復金溪縣。

總兵蔣益澧復杭州城。

德克碑

洋將德克碑在饅頭山。放大礮。壞鳳山門城梁。賊勢窮蹙。蔣益澧督水陸諸軍。四面梯攻。殺數千人。杭州省城遂復。左宗棠亦破賊。以此日復餘杭。

都統多隆阿平藍大順。卒于軍。

多隆阿傷死

藍大順陷盩厔。多隆阿督攻穿地道。城崩丈餘。諸將齊登。多隆阿頭受丸傷甚。回營傳令曰。此城速

管滂

藍賊平

克。傷重亦可痊。如不克。雖輕亦不欲復活。諸將聞令奮擊。日夜不已。遂拔之。大順遁漢陰。主事管滂迎擊斬之。并禽李登福等誅之。大順自咸豐九年在雲南倡亂。至此始平。多隆阿遂卒於盩厔軍中。多隆阿身經千百戰。所向有功。料敵如神。愛士如親。威令嚴明。凡所指揮。湯火不敢避。死之日三軍兩泣。天下皆痛惜之。

天下惜之

總督左宗棠破吳海勝。復武康。

羅大春

左宗棠遣羅大春等破吳海勝。復武康縣。高連升復德清。蔣益澧復石門。鄧光明等降。

高連升

浙江提督鮑超破句容。誅項大英。方正宗。

鮑超攻句容賊。夜望城東火光燭天。知內亂已作。

急引軍東向。而賊已啓南門出衝。諸軍乘勢勦殺。

賊縛二酋以獻。即偽翰王項大英。列王方正宗也。

乃誅之。復縣城。又設伏茅山破賊。復金壇縣。蘇州

軍亦破楊舍常州之賊。沿江盡平。

道員吳毓芬。吳毓蘭。克招仙橋。斬林得英。

吳毓蘭
吳毓芬

金壇之敗。賊據小蜀山。偽值王林得英亦至。李鴻

章令南渡道員吳毓芬。吳毓蘭等破之于招仙橋。

追至丁上橋。伏尸數十里。斬林得英。解散難民四

千人。

提督黃仁翼復新城。總兵韓進春。斬林正揚。

黃仁翼

賊竄江西。提督黃仁翼復新城。殺二千餘人。餘賊

入福建建寧境。韓進春等亦破南豐賊。殺偽天將

林正揚。

擒匪犯河南諸州。郡王僧格林沁。欽差大臣官文等。

梁洪勝

擊破之。

霸山解圍後。擒匪復竄襄樊安襄。鄖荆道歐陽正

墉。副將龍藻琦。接戰不利。總兵梁洪勝。馳援克之。

襄陽樊城得保全。敗賊入河南鄧州。與漢南粵城

清史稿卷之六 萬壽宮

楊朝林

張之万

合衆數十萬。蔓延數百里。僧格林沁由新野入棗陽。擊隋州。總兵楊朝林會之。鏖戰四時。衝突二十餘次。賊始敗。殺溺數千人。總兵梁洪勝擊之于安陸。巡撫張之萬擊之于信陽。又殺數千人。賊敗之後。又自隋州分犯京山。天門。應城。欽差大臣官文督諸將連捷。賊向孝感。雲夢。護軍統領舒保戰沒。賊又圍總兵石成吉。成吉衝圍。斬二百餘人。賊走向漢口鎮。楚軍防戰。賊竄下游。巡撫李鴻章克常州。禽陳坤書。

舊館塔關

蘇州軍攻常州。陳坤書死守。李鴻章令築長牆百

常勝軍不利

龔生陽

餘丈。以為障蔽。掘溝於其下。伏兵二千人。夜造浮橋。洋將戈登以礮隊攻南門。常勝軍多傷亡。鴻章親督諸軍。四面環擊。屋瓦皆飛。士爭奮登城。悍賊數千殊死戰。劉銘傳揮軍進擊。賊尸塞巷。龔生陽禽陳坤書。周盛波禽費天將。降者數萬人。悉戮悍賊無一脫者。

總兵詹啓綸破丹陽。禽賴桂芳。總兵譚勝達與賊戰東壩。破之。

馮子材 詹啓綸 開花礮

廣西提督馮子材督軍圍丹陽。徐州總兵詹啓綸以開花礮斃五百人。斬關而入。賊殊死巷戰。官軍

清史稿卷之六 萬壽宮

譚勝達

奮擊殺七千人。禽洪秀全妻弟。偽來王賴桂芳。遂復丹陽。賊又犯東壩。勢甚剽悍。總兵譚勝達躍馬突陣。立馘數首。諸軍力戰。賊大潰。追殺七千人。

破李賊

總兵唐義訓金國琛與李侍賢戰。大破之。

李侍賢犯徽州。唐義訓金國琛連戰皆克。至五弓橋。賊已揚旂怒馬而來。義訓國琛大呼衝突。斬尸

塞流。是夜月色正明。義訓埋伏。比曉國琛銜枚進。

賊正渡河。伏兵突出。大破之。斃數千人。

總兵郭松林李朝斌克復浙江長興縣。

李鴻章令郭松林等率三十營攻長興湖州廣德

王永勝
李朝斌

賊數萬人來援。松林與王永勝夾擊。斬數千人。李

張正全

朝斌水師。自賊背火攻。又殺萬人。乘勢攻城。賊槍

礮並發。總兵張正全傷臂。仍裹創督攻。松林首先

衝入。諸軍齊登。遂下長興。江西軍亦平貴溪。浙軍

亦連勝。禽偽咸王陳榮。

藍二順犯西安。副都統穆圖善擊破之。

先是蜀賊藍二順竄商州。復出攻西安省。劉容戰

不利。賊至子午谷。副都統穆圖善出九營兵會戰

大破之。

大學士曾國藩率諸將平金陵。洪秀全自殺。禽李秀

穆圖善

金陵大戰

克百餘處
鐵十數萬

李祥和
吳宗國

武明良

彭毓棟
蕭孚泗

成洪仁達誅之。

協辦大學士曾國藩。節制四省軍務。自受任以來。即建議由上游分路征勦。令彭玉麟楊岳斌曾國荃水陸並進。克沿江城隘百餘處。斬馘外援十數萬人。合圍金陵。取其外城。洪秀全據內城。死守益密。李祥和攻取龍膊子山。更番苦攻。李成典吳宗國冒亂丸開地道。蕭孚泗築礮臺。曾國荃發火地道。壞城垣二十丈。李成典武明良身先士卒。衝缺口而入。諸軍蟻附齊進。賊力拒。士卒多死。大隊稍却。彭毓棟蕭孚泗手刃數人。由是無一退者。武明

王遠和
劉連捷

羅逢元
李金洲
陳湜
易良虎

洪賊遁
遠大升

良登龍黃山礮擊賊始郤。李祥和從太平門月城攻入。王遠和攻偽天府。劉連捷亦由神策門梯而入。相共會合。齊進鏖戰。至獅子山。奪儀鳳朝陽二門。羅逢元從聚寶門。李金洲從通濟門而登。陳湜等攻旱西水西兩門。月城。李秀成率死黨奪路而逃。為陳湜所遏。回清涼山。黃翌升水師。攻奪中關。乘勝攻賓江之賊。與陳湜易良虎取水旱兩門。由是全城各門皆破。三更各偽王府同時火起。烟燄蔽空。秀全率千餘人衝出南門。竄于民舍。袁大升橫截。斬七百。獲偽王璽。四更賊千餘。冒官兵

洪賊服毒死
禽李賊
斃十餘萬人
平金陵
戮浩賊尸
誅仁達秀
成
童子軍
朱九妹

裝衝太平門。諸軍截擊。國荃又使馬隊追至純化鎮。禽偽烈王李萬材。追至湖熟。斬馘無遺。秀全先服毒而死。瘞於官院。偽幼王洪福。出城匿。秀成傷匿民舍。蕭孚泗禽之。并獲秀全兄洪仁達。其餘兩湖廣之悍賊。搜殺蕩盡。三日之間。斃十餘萬人。首目三千餘人。遂平定金陵。曾國藩由安慶至。發秀全尸。凌遲焚之。并凌遲仁達秀成。傳其首于各省。賊始據金陵也。擇童子精壯者。別立一隊。名童子軍。又考試女流識字者。令司批答。揚州朱九妹。工書草入撰。謀殺楊秀清。事覺被害極慘。金陵李

王懷香

賊亂十五年
破十餘省
數百城
總統之切
盡率叛國

賊平告祭

氏藏小刀于髻。刺秀清傷之。賊怒。剝皮燒殺。秦淮妓王懷香。用毒酒殺偽都督施某。皆女子之奇烈者也。秀全倡亂廣西。於今十五年。據金陵亦十二年。蹂躪十數省。淪陷數百城。至是始平。曾國藩總統之功也。國藩器識過人。盡率叛國。當湘鄂江皖。軍務倥傯之際。訓練水勇。誓志滅賊。雖屢經困厄。堅忍不拔。遂能萬眾一心。削平逋寇。功成之後。更畏小心。始終罔懈。人亦以是服之。金陵平。行告祭之禮。封爵功臣。金陵已平。修告成之禮。遣官祭諸陵。大封功臣。曾

功臣封爵
十五人

國藩太子太保銜封一等侯。世襲罔替。國荃太子少保銜。一等伯。李成典。一等子。蕭孚泗。一等男。欽差大臣。科爾沁親王。僧格林沁。再賞一貝勒。今其子受封。大學士。兩廣總督。官文。一等伯。世襲。江蘇巡撫。李鴻章。一等伯。陝甘總督。楊岳斌。兵部右侍郎。彭玉麟。均加太子少保銜。一等輕車都尉。世職。四川總督。駱秉章。浙江提督。鮑超。輕車都尉。世職。西安將軍。都興阿。江甯將軍。富明阿。廣西提督。馮子材。均騎都尉。世職。京口副都統。魁玉。雲騎尉。世職。又別叙從前有功死事之臣。

殘賊嘯集

姜玉順

喬松年
英翰
郭寶昌
張得勝
何紹

郡王。僧格林沁。巡撫。喬松年。連捷。平陳得才等諸賊。金陵已平。殘賊嘯集。分犯新洲。柳林。官文使成大。古掃蕩。陳得才等。又據麻城。白果。防守極固。諸軍圍攻未下。僧格林沁遣兵會攻。姜玉順自陝來。合擊。斃偽天將。蔣開揚。賊敗走蘄水。廣濟。僧格林沁進次。上巴河。與官文合勦。前後殺數千人。賊復走皖城。巡撫。喬松年。與臬司。英翰。郭寶昌。張得勝。何紹彩等軍。分扼霍山。六安。破賊于楊柳灣。土門河。三省會勦。極嚴。金陵已破。復無可歸。汪世第等三首。率二萬眾。投得勝。紹彩軍前乞撫。馬融和。投翰

諸賊降

陳賊自殺

寶昌軍藍成春赴僧王乞降。魏康福等四首赴蔣凝學請撫。先後遣散者十餘萬人。賊勢益孤。陳得才服毒死。凝學發尸戮之。

總兵黃少春克洪橋。斬譚體元。

羅大春

黃文金竄昌化。羅大春劉光明擊破之。黃少春克

劉光明

洪橋。殺數千人。斬譚體元。莫桂元又破黃文英于

莫少春

蜀口。斬數千人。王德榜率浙軍。斬洪元珍。金信。會

王德榜

少春。又禽李端生。平廣信府。

按察使席寶田。勦湖州。禽洪仁玕。洪仁政。

席寶田

按察使席寶田。追湖州賊。輕騎疾攻。禽秀全之弟

禽二洪

偽王洪仁玕。斃數千人。又窮搜獲秀全之兄偽英王洪仁政。以金陵平。命曾國荃詣明孝陵致祭。

郭毓龍

賊犯甯都。知州郭毓龍擊破之。

譚勝達

悍賊數萬攻甯都。知州郭毓龍登陴固守。鮑超由池埠進救。與譚勝達等合擊大破之。殺萬餘人。禽

二千人。誅王金端等百餘人。

游擊周家良。禽黃福瑱。詔誅之於江西省。

周家良

偽幼主洪福瑱。脫金陵潛蹤。官軍追殘賊。斬馘殆盡。福瑱未就。禽席寶田一軍。抵石城。窮搜。游擊周

誅洪賊之子

家良於荒谷中獲福瑱。詔送江西省城。凌遲處死。

左宗棠等五人封爵
賞
蹂躪徧天下
不吝爵賞

粵賊全平。江西巡撫沈葆楨賞一等輕車都尉世職。浙江提督鮑超一等子爵。按察使席寶田雲騎尉世職。閩浙總督左宗棠一等伯。浙江布政使蔣益澧騎都尉世職。蓋自道光三十年廣西創亂以來至此凡十有五年蹂躪幾徧天下至此醜類盡殲大叨底定。

張運蘭戰死

賊陷武平縣總兵張運蘭死之。賊入廣東者攻南雄州入閩者陷武平縣張運蘭失守死之賊犯汀州又陷漳州府據之。擒匪入鄞水總兵清吉死之。

石清吉戰死

時捻髮各匪集湖北犯六安英山太湖曾國藩遣蔣凝學劉連捷分道堵禦賊退入蕪水據險綿亘幾二百里石清吉戰敗死之僧格林沁由商城進駐上巴河詔詰責湖廣總督官文屢致敗衄失名將。

救荒

乙丑 同治四年設粥廠以食飢民。

尋又命各省置積穀又定收養貧民補綠旗章程總兵郭松林擊漳州賊破之。

福建平

李鴻章使郭松林率四千人赴福建勦漳州賊松林進戰于東山恒倉社東岳廟皆克又助左宗棠。

攻漳州府下之。遂克雲霄。進破同安土匪。福建平。賊走入廣東。

僧王戰死

科爾沁親王僧格林沁與捻匪戰曹州。死之。

湖北捻匪由襄陽入河南。僧格林沁追戰曹州。軍敗歿陣。僧格王功名早著。諸王之善戰者也。

命協辦大學士曾國藩督師討山東賊。

曾國討山東賊

先是錫曾國藩曰毅勇侯。命赴山東勦賊。乃直隸山東河南三省。綠旗各營均受節制。國藩上疏。潘鼎新軍以輪船赴天津。可以壯畿輔之威。可以補臣迂緩之過。至於節制三省。臣實不堪鉅任。懇請

嘉應賊平

收回。上諭不許國藩遂沂淮西上。抵臨淮關。其弟國荃亦錫威毅伯。授山西巡撫。以病固辭。

閩浙總督左宗棠擊嘉應賊平之。

福建官軍進克鎮平縣。賊又據嘉應州。左宗棠攻拔之。粵賊勦滅。東南底平。宗棠向以功錫恪靖伯。

丙寅同治五年。以曾國荃為湖北巡撫。勦捻賊。

勦捻賊

曾國藩使劉銘傳攻黃陂。克之。捻賊走河南。復犯湖北境。帝以曾國荃嫻軍略。授湖北巡撫。見機防勦。視師襄陽。

協辦大學士。兩江總督曾國藩。抵臨淮病。命江蘇巡

清史稿卷之六

李鴻章代
曾國藩

衍聖公孔
祥珂

平東西捻

撫李鴻章代視師徐州。

曾國藩自徐州拔營啓行。次曲阜。偕衍聖公孔祥珂拜聖林。又巡視運河。登泰岳。抵臨淮。罹病。乃疏請李鴻章視師。詔以肅毅伯李鴻章專辦勦賊事宜。仍命國藩歸鎮金陵。

丁卯 同治六年。以李鴻章為湖廣總督。尋平東捻賊。

李鴻章赴河南督師。勦東捻賊平之。後又擊西捻賊。殲之。

戊辰 同治七年。以曾國藩為武英殿大學士。

曾國藩抵蘇州省垣。有此命。國藩至上海。駐鐵廠。

查洋工

曾國藩為
直隸總督

皇太后

盜殺馬新
貽

殺佛人

查閱輪船洋礮工程。又回金陵。

以曾國藩為直隸總督。以馬新貽為兩江總督。

曾國藩拜此命。疏請陛見。自金陵啓行。士民攀送。填塞街巷。為詩歌以餞者數十百人。抵京。賞紫禁城騎馬。尋趨朝。慈禧皇太后親問江南軍務勞。恩賞優渥。

己巳 同治八年。盜殺兩江總督馬新貽。

刺客張汶祥害之也。尋汶祥就逮。案驗實無主使。乃凌遲處死。

天津民殺佛人。焚教堂。遣大學士直隸總督曾國藩

清史稿卷之六 甲 萬壽堂

辨理之。

天津民怒佛人倡天主教于內地。結黨殺教徒。焚法堂。佛國領事怒訟之。詔曾國藩往天津按驗。國藩奏曰。善全和局。以為保民之道。豫備不虞。以為立國之本。帝善之。國藩與李鴻章會領事協議。誅罪首十五人。流從黨二十二人。改建天主堂。出償金若干。事始得平。

誅罪首

曾李換任

以曾國藩為兩江總督。以李鴻章為直隸總督。帝以兩江重任。事務殷繁。簡撰賢臣。以曾國藩老成宿望。前在西江多年。情形熟悉。措置咸宜。故有

是命。先是國藩以積勞。右目失明。屢陳病狀。不允。命坐鎮其間。理諸事。通好於我日本。

大日本國書

清原宣嘉 藤原宗則

柳原前光致國書。其文曰。大日本國。從三位外務卿。清原宣嘉。從四位外務大輔。藤原宗則。致書于大清國。總理外國事務。大憲臺下。茲者我國。往昔以降。與貴國往來。交誼特深。方今因與西洋諸國。定約。貿易者。或謂我國未曾與貴國結盟。竊思兩國友誼有餘。而未免名分不定之嫌。擬早年遣使。更修盟約。祇以國家多故。未果其願。然此事終不

柳原前光
等

可久曠也。今本省業經奏准。權派從四位外務權
大丞。藤原前光。正七位外務權少丞。藤原義質。從
七位文書權正。鄭永寧等。命往貴國。定其通信通
商事宜。以便復有我國欽差大員。一入貴國。定其
通信通商正約。或駐劄京師。或往來各港等。因該
官員等。投至貴憲臺下。則祈隨即接待。聽其陳述
本國所望事件。並求貴憲着實周旋。從善襄成。為
此本省。特附此書。致上謹言。明治三年。歲次庚午
七月。
辛未。十年。以應寶時。為江蘇按察使。

應寶時

安井仲平

曾國藩卒

日本領事
官

應寶時在江南。數接日本使臣。得其款情。先是獲
安井仲平所著管子纂註。左傳輯釋。為序之。贈仲
平。仲平風節矯矯。為日本宿儒。
壬申。十一年。協辦大學士。兩江總督曾國藩卒。
曾國藩學問純粹。器識宏深。而忠義出天性。底定
東南。其功最大。及卒。帝震悼。謚文正。賜御製祭文。
詔建專祠于金陵。卒年六十二。
日本領事官來統通交事務。

領事官本廳在福州者。兼管廈門臺灣淡水事務。
在上海者。兼管鎮江漢口九江甯波。在香港者。兼

清史稿

卷之六

高麗

管廣州仙頭瓊州。

甲十三年。日本辦理大臣。大久保利通來。會攝政恭親王等。成盟約。撤駐臺之師。

日本辦理大臣大久保利通
西鄉從道
降臺蕃十八社

先是。我日本備中民。及琉球人。漂到台灣生蕃地。為所殺害。蓋其地。清國政教之所不及也。於是日本問罪之議起。乃以陸軍中將西鄉從道。任蕃地事務總督。從道率兵艦五隻。到台灣。蕃人狙擊。殺傷兵士數人。於此一戰。斬牡丹社首。威武大振。生蕃十八社酋長。降者相踵。從道營於龜山。專務剿撫。清國以生蕃之境。聯其屬地。求我日本之撤其

大臣入北京

英公使威氏
恭親王等

會議條款

兵。日本不肯。兩國之釁將開。日本以參議兼內務卿大久保利通。任全權辦理大臣。使清國令解兩國紛紜。利通航上海。轉入北京。與清國政府。論生蕃所屬。數日不決。利通見議不協。憤然將去。英國公使威氏在北京。居間調停。周旋備至。和議遂成。和碩恭親王。軍機大臣。協辦大學士。吏部尚書寶璽。軍機大臣。大學士。管理工部事務文祥等。相共會議。建兩國和好條款。連署鈐印。為交換。其文曰。會議條款。互立辦法。文據事。照得各國人民。有應保護。不致受害之處。應由各國自行設法保全。如

清史稿

卷之六

高麗

保民義舉

在何國有事。應由何國自行查辦。茲以台灣生蕃。曾將日本國屬民等。妄為加害。日本國本意為該蕃是問。遂遣兵往彼。向該生蕃詰責。今與中國議明退兵。並善後法。開例三條于後。一曰。本國此次所辦。原為保民義舉起見。中國不指此為不足。二曰。前次所遇難民之家。中國定給撫恤銀兩。日本所有。在該處修道建房等件。中國願留自用。先行議定。籌補銀兩。別有議辦之據。三曰。所有此事。兩國一切來往公文。彼此撤回注銷。永為罷論。至於該處生蕃。中國自宜設法。妥為約束。以期永保航

會議憑單

恤銀十萬

軍費銀四十萬兩

退兵付銀

客。不能再受兇害。其會議憑單事。台灣一事。現在經英國威大臣。同兩國議明。並日本在下立辦法文。據日本國從前被害難民之家。中國先准給撫恤銀十萬兩。又從日本退兵。在台灣地。所修道建房等件。中國願留自用。准給費銀四十萬兩。又經議定。准於日本國明治七年十二月二十日。清國同治十三年十一月十二日。日本國全行退兵。清國全數付給銀兩。亦不得愆期。日本國未經全數退兵盡之時。中國銀兩。亦不全數付給。立此為據。彼此各執一紙存照。盟約已成。文祥謂利通曰。李鴻

利通鴻章
相見

日本師凱
旋

請効軍前

琉球舜天
日本人皇
裔
朝公或為
朝
逆臣利勇

章為直隸總督。守衝要。各國使入京。必過見。足下亦幸顧之。利通還。路經天津。乃訪鴻章。鴻章欣然款待。俱賀和議之成。鴻章亦到利通之館。叙置領事于日本。利通遂自航臺灣。傳撤兵之令。西鄉從道等凱旋。盟約之未成也。日本州郡之士。慨然奮勵。請自効軍前者極多。清商在日本者大懼。已而令下曰。如為間諜。不得不捕。否則市易勿動。於是安堵如常。琉球先王舜天者。日本人皇後裔。大里按司朝公子。為浦添按司。其後天孫氏逆臣利勇弒君自立。舜天起兵誅之。衆推為王。遂代天孫氏

滅天孫氏
經書日本
刻

鐵板沙
薩人執琉
球王

李鴻章請
遣公使於
日本

云。其國所置經書。悉係日本所刻。有寶曆永祿元和寬永貞享諸名色。其那霸港。礁石岬。港口數里。皆鐵板沙。士人恃險不設備。而薩人猝至。執王去。王遂臣附日本。
大學士直隸總督。北洋通商大臣李鴻章建議。請遣公使於日本及西洋通商各國。

李鴻章建議曰。各國互市遣使。所以聯外交。而中國並其近者。而亦置之。殊非長駕遠馭之道。同治十年。日本初議條約。臣與曾國藩均奏。請立約後。中國應派員駐紮日本。管束我國商民。藉可聯絡。

清史稿卷之六 高宗純皇帝

橫濱長崎箱館

通商大局

此舉未可再緩。擬請敕下總理衙門王大臣。遴選熟悉洋情。明練邊事之三四品京堂大員。請旨賞給崇銜。派往駐劄日本。聞橫濱長崎箱館各處中國商民約近萬人。既經立約。本不可置之度外。俟公使到彼。應再酌設總理事官。分駐口岸。自理訟賦。以維國體。不特此也。即泰西諸大邦。亦當特簡大臣。輪往兼駐。重其祿賞。而定以年限。以通情款。其在中國交涉事件。有不能議結。或所立條約。有大不便者。逕與往復辨証。隨時設法商辨。似於通商大局有裨。

王凱泰請遣公使領事

福建巡撫王凱泰建議。請通商各國。於都城設公使。於行省設領事。王凱泰建議曰。一遣使外洋。夫通商各國。於都城設公使。於行省設領事。無非欲聯中國之交。而知中國之情。乃有來而無往。猶面牆而思快睹。掩耳而欲速聞也。擬請每國敕派正副二員。不拘內外。臣工擇精力強固。有知謀膽略者任之。假以崇銜。予以厚祿。駐紮彼國。實任者。不關本缺。兩年一換。專理和好事宜。各國如何情形。隨時馳報。庶幾耳目較靈。不致中外隔閡。如蒙俞允。應需遣官經費。

清史稿卷之六 高宗純皇帝 四十六

清史攬要 卷之六 商部

暹羅呂宋

長崎

商之利害

請敕總理各國事務衙門酌定。在於各關庫提支。准予作正開銷。一調護華商。人之在外洋者。聞暹約有二三十萬人。呂宋約有二三萬人。新加坡約有十數萬人。檳榔嶼約有八九萬人。新老金山約有二三十萬人。長崎亦不下萬餘人。此係統經商傭工。併計之。若於遣使之外。更選才幹官員。分往各處。如彼國之領事。妥為經理。其重大事情。仍由使臣核辦。凡經商貿易。皆官為之。扶持調護。商之害。官為厘剔。商之利。官不與聞。則中國出洋之人。孰不願為中國用。其有奇技異能者。送回中國。

帝崩

戊甲

優給薪資。酌予獎勵。行見海外華人。爭思自奮。況中國殷商。知外洋有官護持。絲茶大賈。皆可廣為招徠。自行運銷。中國之氣日振矣。
十三年帝崩。醇親王子載湉入嗣位。
帝患痘崩。無子。皇叔醇親王幼嫡載湉入嗣帝位。
改元光緒。帝宣宗之庶孫。於同治為同祖。

清史攬要卷六 大尾

清史攬要

卷之六

甲七

商部

清史攬要 卷六五

清史攬要 卷六五
明治十年六月十二日版權免許
同 七月出版

定價六拾錢

著者

東京第五大區三小區
下谷徒士町二丁目八番地
東京府士族

增田

貢

出版人

龜谷

行

發兌人

別所平七

同 湯島第四大區五小區
松住町四番地
同府平民



發兌書肆

大坂心齋橋南筋	同 日本橋南壹丁目	同 芝大神宮前	同 横山町一丁目	同 三丁目	同 淺草茅町二丁目	小石川大門町	淺草廣小路	馬喰町二丁目	池ノ端仲町	神田須田町	淺草清島町
敦賀屋	河内屋	須原屋	山城屋	須原屋	和泉屋	和泉寺	出雲寺	和泉屋	須原屋	須原屋	須原屋
九兵衛	喜兵衛	茂兵衛	佐兵衛	新兵衛	吉兵衛	市兵衛	萬次郎	右衛門	伊兵衛	伊兵衛	伊兵衛

010190529903

48-12803

